

欽定歷代職官表

11

4544
2



保
4544
2

欽定歷代職官表卷四

內閣下

歷代建置下 遼至明

遼

遼史百官志遼國官制分北南院北面治宮帳部族屬國
之政南面治漢人州縣稅賦軍馬之事○北宰相府掌佐
理軍國之大政皇族四帳世預其選○北府左宰相○北
府右宰相○總知軍國事○知國事○南宰相府掌佐理
軍國之大政國舅五帳世預其選○南府左宰相○南府
右宰相○總知軍國事○知國事○初太祖分達喇額爾
奇木 達喇原作迭刺額爾奇木
原作夷離堇今並改正 為北南二大王宰相樞密

職官表卷四 內閣下

廣雅書局

宣徽林牙下至郎君護衛皆分北南其實所治皆北面之事語遼官制者不可不辨凡遼朝官北樞密視兵部南樞密視吏部北南二王視戶部伊勒希巴原作夷离畢今改正視刑部宣徽視工部多囉倫穆騰原作敵烈麻都今改正視禮部北南府宰相總之

謹案遼北南府宰相於事無所不統蓋亦如尚書令之總領六部也

遼史世宗本紀天錄四年春二月建政事省

遼史興宗本紀重熙十二年十二月戊申改政事省爲中書省

謹案遼本紀重熙十二年改中書省而志作重熙十三

年蓋傳寫之訛當以本紀爲正

遼史聖宗本紀統和元年十一月下詔諭三京左右相左右平章事當執公方毋得阿順

謹案據本紀此文則遼東京中京南京亦曾置宰相及平章之官疑卽如元代之行中書省並非正員今故不著於表

遼史百官志南面朝官○中書省中書令左丞相右丞相知中書省事中書侍郎同中書門下平章事參知政事中書舍人堂後官主事守當官令史○門下省侍中門下侍郎○尚書省尚書令左僕射右僕射左丞右丞

謹案遼志尙載有大丞相一官今考資治通鑑遼太宗

在汴京時命爲趙延壽遷官翰林學士承旨張礪進擬
中京畱守大丞相錄尚書事都督中外諸軍事太宗以
筆塗錄尚書事都督中外諸軍事而行之則大丞相之
名乃張礪所特擬以寵顯趙延壽者非常置之職今故
不入於表

葉隆禮契丹國志中書省謂之南面以其在牙帳之南
謹案遼以北面官治宮帳部族南面官治漢人州縣蓋
以所掌事宜爲區別並非指省署建置之地而言葉隆
禮所云乃臆測之詞不足據也

金

金史百官志太宗天會四年建尚書省遂有二省之制至

熙宗頒新官制大率皆循遼宋之舊海陵正隆元年罷中
書門下省止置尚書省終金之世守而不變焉

金史海陵本紀正隆元年正月罷中書門下省以太師領

三省事溫屯思忠溫屯原作溫都今改正爲尚書令平章政事蕭玉

爲右丞相不置平章政事官

金史百官志尚書省尚書令一員正一品總領紀綱儀刑
端揆左丞相右丞相各一員從一品平章政事二員從一
品爲宰相掌承天子平章萬幾左丞右丞各一員正二品
參知政事二員從二品爲執政官爲宰相之貳佐治省事
左司都事二員右司都事二員正七品掌本司受事付事
檢勾稽失省署文牘兼知省內宿直檢校架閣等事架閣

庫管勾一員正八品同管勾一員從八品總掌察左右司
大程官追付文牘并提控小都監給受紙筆

宇文懋昭大金國志天會十三年置尙書省置令一人次
左右丞相皆平章事左右丞皆參知政事侍中中書令皆
居丞相之下爲兼職

謹案金史百官志但載尙書省官制以尙書令左右丞
相平章政事爲宰相左右丞參知政事爲執政官蓋以
正隆定制後惟存尙書一省故也然以紀傳參考之左
右丞相本亦爲左右僕射見太宗紀天會八年韓企先
爲尙書左僕射至十三年熙宗卽位後卽書以完顏希
尹爲尙書左丞相無復僕射之稱是改名當在十三年

以前案洪皓松漠記聞載金天眷二年請定官制劄子
有太宗皇帝嗣位之十二載始下明詔建官正名之語
疑卽是時所改李心傳朝野雜記載宋乾道中議改僕
射爲丞相時虞允文言金人詳定官制已改左右僕射
爲尙書左右丞相云云可以互證金志不載其事未免
失考又考本紀自天會十四年太保宗翰太師宗磐太
傅宗幹並領三省事厥後以三師三公官領三省事者
甚多蓋猶錄尙書事之類迨正隆元年領三省事溫屯
思忠爲尙書令其後遂不復見於史則尙書令當卽領
三省事之職以中書門下二省旣廢故改爲尙書令耳
金志但及尙書令而不及領三省事亦爲脫漏又考金

自兩省未罷以前如完顏希尹完顏勗完顏亮完顏秉德張浩皆以左丞相兼侍中完顏宗固完顏宗賢唐古辨唐古原作唐括今改正蕭裕布薩師恭布薩原作僕散今改正皆以右丞相兼中書令是兩省長官亦俱相職而金志均未之詳又海陵紀正隆初已罷平章政事官而志仍有之不言其廢置重設之由考世宗紀大定二年二月御史大夫伊喇元宜伊喇原作移刺今改正為平章政事當即以此時復設志無明文尤為闕略今並詳加參核著之於表至宇文懋昭大金國志所載以丞相為即平章事以左右丞為即參知政事乖謬殊甚謹探其文而糾正其誤於此焉

元

大四百五十三

〔元史百官志〕中書令一員典領百官會決庶務太宗以相臣為之世祖以皇太子兼之至元十年立皇太子行中書令大德十一年以皇太子領中書令延祐三年復以皇太子行中書令置屬監印二人○右丞相左丞相各一員正一品統六官率百司居令之次令闕則總省事佐天子理萬幾國初職名未創太宗始置右丞相一員左丞相一員世祖中統元年置丞相一員二年復置右丞相二員左丞相一員至元二年增置丞相五員七年立尙書省置丞相三員八年罷尙書省乃置丞相二員二十四年復立尙書省其中書省丞相二員如故二十九年以尙書再罷專任一相武宗至大二年復置尙書省丞相二員中書丞相二

員四年尚書省仍歸中書丞相凡二員自後因之不易文宗至順元年專任右相其一或置或不置○平章政事四員從一品掌機務貳丞相凡軍國重事無不由之世祖中統元年置平章二員二年置平章四員至元七年置尚書省設尚書平章二員八年尚書併入中書平章復設三員二十三年詔清冗職平章汰爲二員二十四年復尚書省中書尚書兩省平章各二員二十九年罷尚書省增中書平章爲五員而一員爲商議省事三十年又增平章爲六員成宗元貞元年改商議省事爲平章軍國重事武宗至大二年再立尚書省平章三員中書五員四年罷尚書省歸中書平章仍五員文宗至順元年定置四員自後因之

大四百九十一

○右丞一員正二品左丞一員正二品副宰相裁成庶務號左右轄世祖中統二年置左右丞各一員三年增爲四員至元七年立尚書省中書右丞左丞仍四員八年尚書併入中書省右左丞各一員二十三年汰冗職右左丞如故二十四年復立尚書省右左丞各一而中書省缺員二十八年復罷尚書省三十年設右丞二員而一員爲商議省事成宗元貞元年右丞商議省事者又以昭文大學士與中書省事武宗至大二年復立尚書省右左丞二員中書右左丞五員四年罷尚書省右左丞中書右左丞止設四員文宗至順元年定置右丞一員左丞一員由是不復增損○參政二員從二品副宰相以參大政而其職亞於右

左丞世祖中統元年始置參政一員二年增為二員至元七年立尚書省參政三員八年尚書併入中書參政二員二十三年汰冗職參政二員如故二十四年復立尚書省參政二員中書參政二員二十八年罷尚書省參政武宗至大二年復置尚書省參政二員中書參政二員四年併尚書省入中書參政三員文宗至順元年定參政為二員自後因之○參議中書省事秩正四品典左右司文牘為六曹之管轄軍國重事咸預決焉中統元年始置一員至元二十二年累增至六員大德元年止置四員後遂為定額其治曰參議府令史二人○斷事官秩三品掌刑政之屬皆御位下及中宮東宮諸王各投下集賽台原作怯薛丹今改正

六四百八十六

人為之至元十七年分立兩省隨省並置二十八年併入中書後定置四十一員○檢校官一員正七品掌檢校公事程期文牘稽失之事○照磨一員正八品掌磨勘錢穀出納營繕料例○管勾一員正八品掌出納四方文移緘牒啓拆之事○架閣庫管勾二員正八品掌度藏省府籍帳案牘凡備稽考之文即掌故之任

元史世祖本紀至元四年安圖原作安童今改正言比者省官員

數平章左丞各一員今丞相五人素無此例臣等議擬設二丞相臣等蒙古人三員惟陛下所命詔以安圖為長史天澤次之其餘蒙古漢人參用勿令員數過多又詔宜用老成人如姚樞等一二員同議省事

元史百官志元統三年七月中書省奏請自今不置左右

丞十月命布延原作伯顏今改正獨長台司詔天下至元五年十

月加布延為大丞相六年十月命托克托原作脫脫今改正為右

丞相復置左丞相至元七年置議事平章四人十二年以

賈魯為添設左丞以烏蘭哈達原作悟良哈台今改正為添設參知

政事寺三年命皇太子領中書令如舊制二十七年樞密

知院曼濟原作蠻子今改正為添設第三平章太尉特哩特穆爾

原作帖里帖木兒今改正為添設左丞相

謹案歷代宰相雖綜理三省而中書省宣命令尚書省

承之以行政事其職仍分不相紊也元代三置尚書省

卒廢之而歸其職於中書於是尚書左右兩司曹屬變

天四百三十五

為中書省官其制視前代為特異至其以丞相平章為

宰相左右丞參政為執政則猶沿宋金之舊也又世祖

至元四年有同議省事順帝後至元五年有大丞相此

二官皆隨時建置與額設者有異今俱不入於表云

葉士奇草木子世祖立中書省以總庶務立樞密院以掌

兵要立御史臺以糾彈百司嘗言中書朕左手樞密朕右

手御史臺是朕醫兩手的歷世遵其道不變

王暉中堂事記中統二年五月十九日以世臣巴哈原作不花

今改經略史天澤為右丞相和拉巴哈原作忽魯不耶律

鑄為左丞相塔齊爾原作塔察兒今改正廉右丞平章政事張參政

為右丞宣撫楊果宣撫商挺參知政事餘如故命承旨王

鶚定撰諸相制詞二十二日堂議定省規一十條二十五日授麻制於都堂二十七日定議公府署押字事右丞相史公與丞相和拉巴哈五日輪番秉筆長官從上押右者處外邊一左一右以次而下圓坐亦然所謂廟坐廟畫也謹案自明以來大學士有中堂之稱相傳謂大學士初授之時例於翰林院大堂設座禮上故稱中堂今考王惲官中書省都事以所作直省日錄名之曰中堂事記則所謂中堂者乃中書都省之堂蓋自元時已有此稱矣

〔永樂大典〕析津志至元四年四月築燕京內皇城置公署定方隅始於新都鳳池坊北立中書省以新都位置居都堂於紫微垣至元二十四年以僧格原作桑哥今改正為尚書左丞相時五雲坊東為尚書省二十九年尚書併入中書僧格移中書於尚書省乃有北省南省之分後至順二年中書省奏奉旨翰林國史院文書依舊北省安置由是北省既為翰林院尚書省遂為中書都堂其方位制度視北省有間

〔陶宗儀輟耕錄〕國朝故事正六品已下官中書奉勅署牒以命之牒具中書官位最尊者令也署牒者自丞相以下而不敢以煩令惟皇太子立必帶中書令樞密使皇太子既受冊即中書上日獨署一牒明日省臣以其名聞天子即超授五品官其人非素有譽望不得也

〔胡粹中元史續編〕中書政本元既有中書令矣復立左右丞相則丞相特中書令之佐貳耳既以令爲虛設右左丞相爲正宰相而復設平章政事則又以平章爲宰相貳矣然平章政事非宰相而何名之不正莫此爲甚至其末流丞相而遙授焉則冗濫極矣

謹案元自中書令至參知政事其設官全仿金制惟金屬尚書省而元則改歸中書省耳胡粹中以爲元制殊失詳考

〔元史百官志〕內八府宰相掌諸王朝覲饋介之事遇有詔令則與蒙古翰林院官同譯寫而潤色之謂之宰相云者其貴似侍中其近似門下故特寵之以是名雖有是名而

無授受宣命品秩則視二品焉

〔輟耕錄〕內八府宰相八員視二品秩而不授宣命特中書

照會之任而已寄位於翰林之繖琳原作埽鄰今改正繖琳宮門

外院官會集處也所職視草制若詔赦之文則非其掌也至於院之公事亦不得與焉例以國戚與勳貴之子弟充之

謹案內八府宰相雖以相名官實非相職今故附見其制不列於表又王惲中堂事記載元初中書省官有掌故詳官講習太常禮樂官肄業拱衛事官省理問官掌記檢校應辦供頓官諸名今考掌故卽架閣管勾之職其餘皆不見於百官志蓋後來已有所更革謹附識於

此

明

明史職官志內閣中極殿大學士舊名華蓋殿建極殿大學士

舊名謹身殿文華殿大學士武英殿大學士文淵閣大學士東

閣大學士並正五品掌獻替可否奉陳規誨點檢題奏票擬批

答以平允庶政凡上之達下曰詔曰誥曰制曰冊文曰諭

曰書曰符曰令曰檄皆起草進書以下之諸司下之達上

曰題曰奏曰表曰講章曰書狀曰文冊曰揭帖曰制對曰

露布曰譯皆審著申覆而修畫焉平允乃行之凡車駕郊

祀巡幸則扈從御經筵則知經筵或同知經筵事東宮出

閣講讀則領其事敘其官而授之職業冠婚則充賓贊及

六百

納徵等使修實錄史志諸書則充總裁官春秋上丁釋奠
先師則攝行祭事會試充考試官殿試充讀卷官進士題
名則大學士一人撰文立石於太學大典禮大政事九卿
科道官會議已定則案典制相機宜裁量其可否斟酌入
告頒詔則捧授禮部會勅則稽其由狀以請宗室請名請
封諸臣請諡並擬上以其授餐大內常侍天子殿閣之下
避宰相之名又名內閣

明太祖實錄甲辰春正月卽吳王位置中書省右左相國
爲正一品平章政事從一品左右丞正二品參知政事從
二品左右司郎中正五品員外郎正六品都事檢校正七
品照磨管勾從七品參議正三品參軍斷事官從三品斷

事經歷正七品知事正八品都鎮撫司都鎮撫正五品考
功所考功郎正七品十月以都鎮撫司隸大都督府吳元
年六月革參議府十月命百官禮儀俱尙左改右相國爲
左相國左相國爲右相國洪武元年正月以李善長徐達
爲左右丞相十月革考功所二年六月革照磨檢校所斷
事官九年閏九月詔定中書省左右丞相爲正一品左右
丞爲正二品次平章參知政事惟李伯昇王溥等以平章
政事奉朝請者仍其舊

〔黃元昇昭代典則〕洪武十二年春正月己亥左丞相胡惟
庸等旣伏誅上諭文武百官曰朕圖任大臣期於輔佐以
臻至治故立中書省以總天下之文治都督府以總天下

之兵政御史臺以振朝廷之紀綱豈意奸臣竊持國柄操
不軌之心肆奸欺之蔽蠹害政治謀危社稷賴神發其奸
皆就殄滅朕今革去中書省陞六部仿古六卿之制俾之
各司所事更置五軍都督府以分領軍衛如此則權不專
於一司事不畱於壅蔽卿等以爲何如監察御史許士廉
等對曰歷朝制度皆取時宜况創制立法天子之事旣出
聖裁實爲典要癸卯詔罷中書省陞六部改大都督府爲
五軍都督府布告天下

〔明史太祖本紀〕洪武十三年九月丙午置四輔官告於太
廟以儒士王本杜佑龔敷杜學趙民望吳源爲春夏官

〔明太祖實錄〕洪武十四年十二月命翰林院編修檢討典

籍左春坊左司直郎正字贊讀考駁諸司奏啓以聞如平
允則署其銜曰翰林院兼平駁諸司文章事某官某列名
書之

〔明史職官志〕洪武十五年仿宋制置華蓋殿武英殿文淵

閣東閣諸大學士禮部尚書邵質爲華蓋檢討吳伯宗爲
武英翰林學士宋訥爲文淵典籍吳沈

爲東閣又置文華殿大學士徵者儒鮑恂余詮
張長年等爲之以輔導太子

秩皆正五品二十八年勅諭羣臣國家罷丞相設府部院
寺以分理庶務立法至爲詳善以後嗣君其毋得議置丞
相臣下有奏請設立者論以極刑當是時以翰林春坊詳
看諸司奏啓兼司平駁大學士特侍左右備顧問而已建
文中悉罷諸大學士各設學士一人又改謹身殿爲正心

殿設正心殿學士

謹案明文淵閣本在南京成祖遷都後設官雖沿舊名
實無其地卽以午門內大學士直廬謂之文淵閣其實
終明之世未嘗建閣也我
朝右文隆軌超邁往牒近者
特命於

文華殿後鼎建

文淵閣以藏四庫全書輪奐聿新規模大備而閣臣之帶
文淵閣銜者其稱名亦更爲核實矣至新設領閣事直閣
事諸官則詳具於閣職表中茲不備及云

〔鄧球泳化類編〕洪武壬午時成祖初卽位仍
稱洪武三十五年秋七月始開

內閣於東角門

即文淵閣

命翰林院文學行誼才識之士入直

贊襄時得待詔解縉修撰胡廣編修楊榮吳府審理副楊士奇侍書黃淮給事中金幼孜桐城知縣胡儼入居閣中諭以委任心腹至意專典機密雖學士王景輩不得與焉內閣自此始矣是冬陞縉爲翰林侍讀學士胡廣黃淮胡儼皆侍讀楊榮楊士奇金幼孜皆侍講

明史職官志成祖特簡講讀編檢等官參預機務

簡用無定員

謂之內閣然解縉胡廣等既直文淵閣猶相繼署院事至洪熙以後楊士奇等加至師保禮絕百僚始不復署正統七年翰林院落成學士錢習禮不設楊士奇楊榮座曰此非三公府也二楊以聞乃命工部具椅案禮部定位次以

大三百九十三

內閣固翰林職也嘉隆以前文移關白猶稱翰林院以後則竟稱內閣矣

王瓊雙溪雜記永樂初始建內閣於東角門內命解縉等七人在閣辦事仁宗正位東宮皆轉春坊官凡草制纂修等事惟翰林掌之無內閣掌管之說也永樂間胡廣所兼不過春坊大學士則是時殿閣大學士不設已久矣今尙書在內閣辦事六部請勅書手本只云合手本前去翰林院寫勅施行則舊意猶存可考也終永樂之世二楊官止五品蓋爲衙門所拘初未有衙門小官大之例也仁宗登極始以東官舊臣陞士奇爲禮部侍郎尋陞少保兼華蓋殿大學士楊榮爲太常卿進太子少傅兼謹身殿大學士

又陞工部尚書在內閣辦事楊溥永樂繫獄十年至是釋
出擢翰林院學士尋陞太常卿兼學士內閣辦事此三人
皆以龍飛超陞委任不可以例論也後楊溥丁憂起復不
入閣宣德間因九年三品考滿方陞禮部尚書學士如故
英宗卽位復命入內閣正統四年修宣廟實錄成溥進少
保士奇榮進少師號三楊由是內閣之權漸重無異宰相
之設六部之權漸輕凡事皆多稟受內閣風旨而後行日
久因襲遂不可改矣

黃瑜雙槐歲抄文淵閣爲天子講讀之所非政府也故列
甃側坐而虛其中以俟臨視洪武中代言修書授諸王經
者皆在而戶曹張賞賜次於芻用備賚予永樂初命解縉
等七人入掌密勿凡行移稱翰林院內閣官傳旨條旨則
與尚書蹇義夏原吉同事而學士王景華不與焉縉等遷
至大學士惟胡儼尋擢祭酒庚寅二月儼兼侍講再入閣
有詩云承乏詞林愧不才重承恩詔直芸臺益詞臣入直
之常耳洪熙初閣老皆躋保傅參預機務惟在北京宣德
時臨視至再始設庖廚不復退食於外而出掌部者不再
入正統初開經筵於文華殿聖駕自是罕至傳旨則中官
專之惟條旨墨書小票司禮監用硃批出閒有依違而他
官不與迨徐武功李文達掌文淵閣事始以政府視之人
亦稱爲宰相矣

鄭曉今言先朝內閣亦調外任宣德中陳山張瑛以干請

諸司出山教小內使出瑛爲南京禮部尚書景泰中亦出江淵爲禮部尚書不獨解與胡也孤卿入內閣自王文始先朝重冢宰雖內閣元輔歷二三十年亦不得領吏部尚書內閣之領吏部尚書也亦自文始也

孫承澤春明夢餘錄文淵閣未有言掌者徐有貞以武功伯領之遂改爲掌文淵閣王世貞譏之以謂文淵不可掌也吏部左侍郎李賢爲本部尚書兼翰林院學士掌文淵閣事則又不止武功也又考解縉入閣居七人之首其繫銜亦曰掌文淵閣事則又不始於武功也

李日華官制備考嘉靖中又名奉天殿爲皇極華蓋殿爲中極謹身殿爲建極而大學士名官如其初

明史職官志嘉靖以後朝位班次俱列六部之上

萬斯同宰輔彙考成祖始設內閣其秩甚卑朝班各依其品遠在尚書侍郎下厥後解縉出爲參政胡儼改爲祭酒胡廣積資十五年楊榮金幼孜積資十九年始得列銜文華猶五品也至仁宗踐阼楊士奇始授華蓋黃淮始授武英與榮幼孜並加至侍郎尚書且漸膺東宮保傅而士奇至爲三孤自是內閣位尊權重出尚書右矣然正統末商輅彭時以修撰入天順初岳正以贊善入猶小臣也班亦各依其品其以侍郎入自宣德張瑛始以左都御史入自景泰王文始以禮部尚書入則自宏治邱濬始自時厥後悉用翰林大僚然以侍郎詹事少詹事入者止兼翰林學

職官表卷四
士不遽授大學士也嘉靖時翟鑾李本猶然至隆慶初張居正以侍郎入遽列銜東閣自是初拜者無不卽授大學士矣迨崇禎末魏藻德以修撰改少詹事卽授東閣則是閣體已尊不得不然也

〔明史職官志序〕明白洪武十三年罷丞相不設析中書省之政歸六部以尙書任天下事侍郎貳之而殿閣大學士祇備顧問帝方自操威柄學士鮮所參決外設都布按三司分隸兵刑錢穀其考核則聽於府部是時吏戶兵三部之權爲重迨仁宣朝大學士以太子經師恩累加至三孤望益尊而宣宗內柄無大小悉下大學士楊士奇等參可否雖吏部塞義戶部夏原吉時召見得預各部事然希闊

不敵士奇等親自是內閣權日重卽有一二吏兵之長與執持是非輒以敗至世宗中葉夏言嚴嵩迭用事遂赫然爲眞宰相壓制六卿矣然內閣之擬票不得不決於內監之批紅而相權轉歸之寺人於是朝廷之紀綱賢士大夫之進退悉顛倒於其手伴食者承意旨之不暇閒有賢輔卒蒿目而不能救迹其興亡治亂之由豈不在用人之得失哉

謹案自漢魏事歸臺閣歷代以中書秉政統轄六曹三省長官久爲宰相之職明太祖懲胡惟庸之擅權始廢丞相不設專任六部分相職於各尙書於是唐宋以來三省之制至洪武而一變其時威柄在上事皆親決雖

嘗設殿閣大學士祇備顧問並不以爲與聞國論之官至成祖始簡儒臣直文淵閣令其參預機務於是有內閣之名洪武之制至永樂而又一變然當時所謂入內閣者不過如內直之翰林故不置官屬其官銜但曰入閣辦事入閣預機務而已必洊加方得至大學士班秩俱五品而止未嘗得制六卿也自仁宗而後諸大學士歷晉尚書保傅品位漸崇專任票擬事權益重遂以大學士爲定名班次在六部之上而尤重首揆至詔旨章奏皆以首輔目之蓋永樂之制至中葉以後而又一變矣惟是大學士委寄雖隆而終明世秩止正五品故其官仍以尚書爲重其署銜必曰某部尚書兼某殿閣大

學士本銜在下而兼銜反在上此則其沿襲之失而名實不能相副者也其間因革變改之由隨時重輕皆可考鑑得失謹據明史明實錄參以他書所載臚具如右至於票擬揭帖推用班序規制儀式之詳見於諸書者尙多皆有關於明代內閣典故今並節採附之於後云

廖道南殿閣詞林記洪武中革去中書省分任九卿衙門中外章奏皆上徹御覽每斷大事決大疑臣下惟面奏取旨有所可否則命翰林儒臣折衷古今而後行之故洪武時批答皆御前傳旨當筆永樂洪熙二朝每召內閣造膝密議人不得與聞雖倚毗之意甚專然批答出自御筆未

嘗委之他人也至宣德時始令內閣楊士奇輩及尚書兼詹事蹇義夏原吉於中外奏章許用小票墨書貼各疏面以進謂之條旨中易紅書批出及遇大事猶命大臣面議議既定傳旨處分不待批答自後始專命內閣條旨然中每依違或徑由中出及天順復辟每事與內閣面議然後批行宏治末年總攬乾綱內閣條旨多孝廟御書涉重大至厘宣問幾復國初之舊今之建議者徒知批答當依內閣所條而不知有面議傳旨故事或誤以條爲調謂調和之義者非也

〔王世貞筆記〕內閣臣職在司內外制而已未有所謂調旨也自宣德中大學士二楊公與尚書蹇夏始有調旨之說

而二楊復以位尊惡煩特奏以少詹事兼講讀學士王直王英兼知誥勅然內閣實總之後直英出理部事以侍講學士陳循馬愉侍講曹鼎代之尋革併入內閣宏治甲寅復奏以學士李東陽兼禮部右侍郎掌誥勅說者謂爲李公入閣地也李入閣太常卿程敏政代治至吏部侍郎溫仁和以憂歸而大學士張桂等密疏不宜設自是遂罷謹案王直等以少詹事兼講讀學士知誥勅李東陽以學士兼禮部侍郎掌誥勅皆專司制誥而不預票擬蓋今內閣學士之職也

〔雙溪雜記〕英宗九歲登極有詔凡事白於張太后然後行太后令付內閣議決每數日必遣中官入閣問連日會有

聯官卷四
一事
何事來商推具帖開報驗看不付閣議者卽召司禮監責之內閣票旨始此

〔春明夢餘錄〕舊制紅本到閣首輔票擬餘唯諾而已崇禎中御史倪元珙請分票其後本下卽令中書分之首輔之權雖稍分然水火之端啓而中書之弊種種矣

〔宋端儀立齋錄〕初朝廷旨意多出內閣臣調進旨稿畱閣中號絲綸簿其後宦寺專恣收簿祕內徐有貞旣得權寵乃告上如故事還簿閣中

謹案明制以司禮監批紅故宦豎得以竊弄魁柄實一代之秕政

國朝定制凡內外本章閣臣票

大四百十四

旨進呈恭請

裁定後卽付批本處批清字於翌日下閣付內閣學士批漢字六科給事中受而行之制度最爲慎重焉

〔陳繼儒見聞錄〕累朝以來閣中凡有密奏及奉諭登答者皆稱爲揭帖其制視諸司題式差狹而短字如指大以文淵閣印緘封進御左右近侍莫能窺也然揭亦不敢數數輕進每進揭主上輒動色謂左右云閣下揭帖至矣其重如此自江陵之後建言者多朝廷厭其激聒時處一二人而閣臣務欲暴白心迹不論是非輒上揭申救而主上亦以爲套不復省矣

謹案以上六條俱明代內閣票擬揭帖之制

春明夢餘錄閣員初無定額洪武初吳伯宗以武英殿大學士復爲翰林院檢討永樂初王文忠以庶吉士入翰林未幾召同王直入內閣書機宜奏疏五年升修撰十四年進侍講入閣在先授官在後嗣後始以翰林院銜直文淵閣然惟胡文穆靖彭文憲時商文毅輅修撰楊文敏榮編修其他黃文簡淮以中書舍人楊文貞士奇以吳王府審理副陳汝靜敬宗張子玉瑛以鄉舉金文靖幼孜以給事中胡若思儼以桐城知縣俞綱以審理權謹以光祿署丞徐武功有貞以都御史李文達賢以主事王毅愍文薛文清瑄以御史高文毅毅以中書舍人劉宇曹元以知縣袁榮襄宗臯以長史楊文襄一清以總督張文忠孚敬方獻

夫桂萼二文襄霍文敏韜以主事席文襄書以戶侍許文簡讚以吏書夏文愍言以給事皆不由館選自茲會推內閣冢宰掌院必列名至崇禎朝遂定爲故事每次枚卜必內外兼推○初設內閣楊文貞士奇歷二十三年官止五品後加至少師止兼兵部尙書華蓋殿三官時蹇忠定義以少師爲冢宰朝廷不欲文貞班居其上以存冢宰之體也陳芳洲循雖兼五官亦止戶部尙書後李文達賢彭文憲時商文毅輅相繼領吏部尙書自後遂爲首輔故事其以他官兼大學士者如楊士奇以禮侍兼華蓋金幼孜以戶侍兼武英陳山以戶侍兼謹身張瑛以禮侍兼華蓋黃淮以通政使兼武英楊榮以太常兼文淵徐有貞以武功

伯兼華蓋殿閣大學士自相兼者如陳循以華蓋兼文淵高穀王文以謹身兼東閣胡廣楊榮金幼孜以文淵兼翰林院學士其內閣諸殿次第自正統開始定其兼銜次第自天順開始定然或以所兼保傅爲等級或以部分爲先後如楊榮以太子少傅謹身位少保黃淮武英下陳山無兼官以謹身位少保黃淮太子少保金幼孜武英下少保黃淮太子少保金幼孜以戶部尙書位少傅兵部楊士奇下楊溥無兼官以禮部位工部楊榮下王文以少保吏部位戶部陳循工部高穀少保太子太傅下皆取所兼保傅爲次序也張瑛以禮部華蓋殿位戶部謹身陳山下此則以部分爲次序也

謹案以上二條皆明代內閣推用班序之制

王鏊震澤長語文淵閣在奉天殿東廡之東文華殿之前前對皇城深嚴禁密百官莫敢望焉吏人無敢至其地閣中趨侍使令惟廚役耳防漏泄也禁密文書一小匣在几上鑰之而不合大學士暮出而鑰其門匙懸門上恐禁中不時有宣索也故事禁中不得舉火雖閣老亦退食於外相傳宣宗一日過城上令內監瞰閣老何爲曰方退食於外曰曷不就內食曰禁中不得舉火上指庭中隙地曰是中獨不可置庖乎今烹膳處是也自是得會食中堂又傳一日過城上瞰閣老何爲曰方對奕曰何不聞落子聲曰碁以紙上笑曰何陋也明日賜象牙碁一副至今藏閣中

又內閣庭中花臺上有芍藥三本相傳亦宣廟時植至今盛開

泳化類編文淵閣在午門內學士每入以東西兩甃相對坐向無公座李賢自吏部入欲設公座如都堂之制彭時不可曰宣宗駕常幸此中坐故至今不敢南面賢意猶未釋已而英宗遣太監傅恭送銅範飾金孔子并四配像一龕置閣中賢乃止自是閣老每晨入對像一揖遇朔望率翰林官行四拜禮乃東西對坐

謹案以上二條皆明代內閣規制儀式

明史職官志中書科中書舍人二十名從七品直文華殿東房中書舍人直武英殿西房中書舍人內閣誥勅房中書

舍人制勅房中書舍人並從七品無定員中書科舍人掌書寫誥

勅制詔銀冊鐵券等事員無正貳印用年深者掌之文華殿舍人職掌奉旨書寫書籍武英殿舍人職掌奉旨篆寫冊寶圖書冊頁內閣誥勅房舍人掌書辦文官誥勅繙譯勅書并外國文書揭帖兵部紀功勘合底簿制勅房舍人掌書辦制勅詔書誥命冊表寶文玉牒講章碑額題奏揭帖一應機密文書各王府勅符底簿

明太祖實錄洪武七年二月上命省臣選儀貌端莊善應對知時務者以備任使於是中書省考唐制通事舍人掌通奏引納辭見承旨宣勞皆以善於辭命者爲之元制中書省設直省舍人三十二人皆以公卿子弟爲之執掌傳

布王命宣行制誥及國有重事悉得差遣今議中書省宜設直省舍人十人秩從八品從之

〔泳化類編〕洪武丙辰改直省舍人爲中書舍人建文中改侍書入文翰館靖難後復故此官典司天子辭命職掌至重日給大官酒饌與翰林宮坊尙寶司六科同爲侍從之臣諸司無相並者其選用自進士外舉人與纂修書成被恩典者乃得之監生儒生惟惟有勳勞大臣暨宮僚講官子孫宜承廕敘奉特旨者乃得之用之亦非輕矣

〔明史職官志〕宣德閒內閣置誥勅制勅兩房皆設中書舍人嘉靖二十年選各部主事大理寺評事帶原銜直誥勅制勅兩房四十四年兩房員缺令吏部考選舉人爲中書

舍人隆慶元年令兩房辦事官不得陞列九卿案洪武閒置承勅監司文監考功監參掌給授誥勅之事永樂初命內閣典機務詔冊制誥皆屬之而膳副繕正皆中書舍人入辦事竣輒出宣德初始選能書者處於閣之西小房謂之西制勅房而諸學士掌誥勅者居閣東具稿付中書繕進謂之東誥勅房

此係辦事若知制誥銜惟大學士與諸學士可帶

正統後學士

不能視誥勅內閣悉委於中書序班譯字等官於是內閣又有東誥勅房

因劉鈗不與輔臣會食始嘉靖末復以翰林史官掌外制而武臣誥勅仍自其屬爲之若詔赦勅革之類必由閣臣翰林諸臣不得預

其直文華武英兩殿供御筆札者初爲內官職繼以中書分直後亦專舉能書者大約舍人有兩途由進士部選者得遷科道部屬其直兩殿兩房

舍人不必由部選自甲科監生生儒布衣能書者俱可為之不由科甲者初授序班及試中書舍人不得遷科道部屬後雖加銜九列仍帶銜辦事

楷書出身者或加太常卿銜沈度沈粲潘辰等有加至翰林學士禮部尚書者

徐學謨世廟識餘錄兩房中書遷轉至嘉靖初年始由閣下題請中書周令者溫州人嘗言成化年間授職彼時中書與閣下同僚然投刺如平交蓋宣德以前本一堂相處今云西房即文淵閣也閣臣居中中書居東西兩房各辦其事已撤內庫十間以西五間居閣下謂之文淵閣以東五間藏書籍而東房中書亦遷居之故今以閣下稱中堂而東西非房矣猶稱兩房者沿舊名也凡閣下到任尚

之兩房答指若六部之與各司無是體矣

梁清遠雕邱雜錄明朝中書有四一為中書科中書舍人在中書科掌書寫誥勅三甲進士選授大臣子孫廕授而舉人有軍功者亦間授焉一為內閣中書則在內閣制勅誥勅兩房辦事其監生譯字生考授者職書寫誥勅及謄擬旨加銜可至大卿而外陞者少舉人考授者則代閣臣撰擬三年滿陞各部主事一為文華殿中書則專職書寫匾額對聯之類納粟者多而考授者少一為武英殿中書則專職圖繪內臣得而統屬之納粟者愈多而考授者愈少矣此二者名為兩殿中書俱可加銜至卿寺

謹案唐宋中書舍人典司制命為中書省正官蓋如今

之內閣學士至明代中書舍人所掌僅書寫繕錄之事
不得行詞非唐宋中書舍人之職當洪武初置時雖稱
仿唐代通事舍人而設不知通事舍人乃如今之奏事
處官中書亦非其制以職事論之實當為唐宋之中書
省掾屬特其時如主書錄事諸官皆以雜流為之而明
之中書科及兩房舍人則多用士人且地居中禁凡朝
廷大典禮皆得襄事其間視外諸司尤稱近密故當時
以為清職

本朝中書科中書以廕生貢監及知縣之應陞者補授不
盡用甲科而內閣中書則自康熙初定制專以進士舉
人注授閒以散館庶吉士及進士

朝考入選者為之我

皇上鑾輅時巡諸生有獻賦

行在者每

召而試之拔其尤以充是職登用之途視前代益為華選矣

太倉錢清詒初校

南海桂 站覆校

番禺陶福祥再覆校

欽定歷代職官表卷四

職官表卷四

內閣下

三

廣雅書局

制以令僕所居爲都堂當省之中左爲吏戶禮部分三行每行四司右爲兵刑工部分三行每行四司皆東西相向見於通典及葉夢得石林燕語者甚詳元代廢尚書省移入中書六部亦隨之改隸元人析津志載六部俱列中書外垣則其制亦與唐宋無異故當時六部署銜皆曰尚書某部中書某部以其統屬於都省故也自明太祖罷丞相革中書省仿古六卿之制析其職歸之六部以尚書分掌庶政侍郎佐之於是六部始各爲分署事皆專達而都省之制遂廢

本朝因之臣等纂次六部各表悉依今制分列而以前代尚書諸曹職掌相承者繫之於下至都省制度難於析

載謹附識於吏部表末以存舊式其尚書侍郎郎中等官建置所自亦各於吏部篇內分條備考以著源委焉

吏部

國朝官制

吏部尚書滿洲漢人各一人 初定滿洲一品漢人二品順治十

滿洲為一品九年定俱為正二品六年改俱為二品康熙六年復改

雍正八年升為從一品各部院同

掌中外文職銓敘勳階黜陟之政釐飭官常以贊邦治其

屬有文選考功稽勳驗封四清吏司

國朝自天聰五年始設六部每部一員勒主之吏部置滿洲承

政一員蒙古承政一員漢人承政一員參政八員啓心郎

一員崇德三年更定吏部設滿洲承政一員左參政二員

右參政三員滿洲啓心郎一員漢人啓心郎二員順治元

年停貝勒總理例改承政為尚書參政為侍郎 各部同 五年

定滿漢尚書各一人七年增設滿洲尚書一人八年仍令親王郡王兼攝部務九年停各部十年復裁滿洲尚書一人十五年裁啓心郎雍正元年以來常以大學士兼理部務與尚書率其屬以敘正羣吏焉

左右侍郎滿洲漢人各一人初定滿洲漢軍二品漢人三品順治十六年改俱為三品康熙六年復改滿洲為二品九年定俱為正三品雍正八年陞為從二品乾隆十四年復陞為正二品各部院同

順治十五年定額掌佐理銓衡以貳尚書漢右侍郎初制兼翰林院學士銜其非翰林出身者不兼尋罷兼銜

文選清吏司郎中滿洲三人蒙古漢人各一人初制滿洲郎中三品順治十六年改為五品十八年改為四品康熙六年復為三品九年定與蒙古漢軍漢人俱為正五品各部院同員外郎滿洲漢人各二人初制滿洲員外郎四品順治十六年改為五品康熙六年復為四品九年定與蒙古漢軍漢人俱為正六品各部院同

俱為從五品各部院同 主事滿洲一人漢人二人初制滿洲主事四品康熙六年改為五品九年定與蒙古漢軍漢人俱為正六品各部院同

掌班秩遷除均平銓法崇德三年吏部設理事官四員副

理事官六員順治元年改理事官為郎中副理事官為員

外郎各部設滿洲郎中四人漢軍郎中二人滿洲蒙古員

外郎八人漢軍員外郎六人主事四人十二年增滿洲郎

中四人員外郎停兼用蒙古十八年復設蒙古員外郎一

人康熙元年仍省三十八年裁漢軍員外郎四人五十七

年增設蒙古郎中一人主事一人復設蒙古員外郎一人

雍正五年裁漢軍郎中員外郎初制滿洲蒙古漢軍司官

皆統為員額不分專曹悉聽堂官調撥後始分司定缺各部

同其漢人司官則順治元年即隨曹置額文選司初設漢郎中一人員外郎一人主事二人雍正五年增設漢員外郎一人凡漢缺郎中員外郎主事皆以由科甲出身者注授各司

考功清吏司郎中滿洲三人漢人一人員外郎滿洲二人蒙古漢人各一人主事滿洲一人漢人二人

掌論劾考察旌別功過順治元年設漢郎中員外郎主事各一人雍正元年增設漢主事一人

稽勳清吏司郎中滿洲漢人各一人員外郎滿洲二人漢人一人主事滿洲漢人各一人

掌更名改籍終養服制兼稽在京文員俸廩漢司官員額

順治元年定

驗封清吏司郎中滿洲漢人各一人員外郎滿洲二人漢人一人主事滿洲蒙古漢人各一人

掌

封贈襲蔭土司嗣職漢司官員額亦順治元年定

堂主事滿洲四人漢軍一人

掌文案者滿洲二人掌章奏者滿洲二人漢軍一人順治元年定額

司務廳司務滿洲漢人各一人初制從九品乾隆三十六年升為正八品各部寺同

掌出納文書稽察胥吏各部順治元年止設漢人司務二人四年裁一人十五年定設滿洲漢人各一人

筆帖式滿洲五十七人蒙古四人漢軍十二人由舉人恩拔歲副貢生考取者

七品由生員監生考取者八品由官學義學生等考取者九品各部院同

掌繙譯清漢章奏文籍各部同天聰五年始令六部辦事筆

帖式各酌量補授吏部筆帖式滿洲初設六十五員後省

八員蒙古初設二員後增二員漢軍初設十六員後省四

員分隸各司視事之繁簡以為額

歷代建是

三代

禮記曲禮天子建天官先六大曰大宰鄭康成註此蓋殷

時制也

尚書周官冢宰掌邦治統百官均四海

六百九十五

謹案舜典納於百揆蔡氏沈以為猶周之冢宰而當時未有官號今故仍託始於殷周焉

周禮天官治官之屬大宰卿一人小宰中大夫二人宰夫

下大夫四人上士八人中士十有六人旅下士三十有二

人太宰之職掌建邦之六典以佐王治邦國小宰之職掌

邦之六典八灋八則之貳以逆邦國都鄙官府之治宰夫

之職掌治灋以攷百官府羣都縣鄙之治鄭康成註六官皆總屬於冢宰

冢宰於百官無所不主變冢言大進退異名也百冢總焉則謂之冢列職於王則稱大冢大之上也

唐六典吏部尚書周之天官卿也侍郎周之天官小宰中

大夫也太宰屬官有下大夫蓋吏部郎中之任也有上士

蓋今員外郎之任也

周禮夏官司士下大夫二人中士六人下士十有二人府二人史四人胥四人徒四十人掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大夫庶子之數以詔王治

杜佑通典參詳古今徵考職任天官太宰當爲尙書令非吏部之任今吏部宜出於夏官之司士

春秋左氏傳晉侯作執秩以正其官

杜預曰主爵秩之官

周禮夏官司勳上士二人下士四人府二人史四人胥二人徒二十人掌六鄉賞地之法以等其功王功曰勳國功曰功民功曰庸事功曰勞治功曰力戰功曰多

謹案後世以六部分配六官吏部實準周禮天官之職

然考太宰總百官以掌邦治與後世專司銓選者不同故杜佑以爲吏部之任出於夏官之司士其說最允至執秩爲今驗封之職司勳爲今稽勳之職治襲所自尙有可徵今並著之於表又考春官內史掌王之八枋之法以詔王治一曰爵二曰祿三曰廢四曰置五曰殺六曰生七曰予八曰奪凡命諸侯及孤卿大夫則策命之鄭康成註云太宰旣以詔王內史又居中貳之是今吏部文選考功驗封三司之事其源又當出於內史又案晏子春秋齊景公燕賞於國內萬鍾者三千鍾者五令二三出而職計莫之從公怒令免職計令三出而士師莫之從是後世考功之法亦春秋時士師所兼掌矣謹附

著於此

秦

〔通典〕秦尚書四人不分曹名

謹案秦代雖未有曹名然尚書官號實肇置於此故特著之吏部條下以明權輿所自至尚書尚字陸德明經典釋文讀作常音而岳珂媿鄉錄則云秦世少府遣吏四人在殿中主發書故謂之尚書尚猶主也漢初有尚冠尚衣尚食尚浴尚席尚書謂之六尚戰國時已有尚衣尚冠之屬然則尚書之稱尚書從去聲而非平聲今案藝文類聚引韋昭辨釋名曰尚猶奉也百官言事當省案平處奉之故曰尚尚食尚方亦然如渚注漢書亦

大四百一十一

云主天子文書曰尚書如主壻曰尚主據此則尚字之當讀去聲似為有本然自六朝以後文人詞賦無不用作辰羊切者則其讀平聲亦已久矣

漢

〔後漢書百官志〕尚書六百石常侍曹尚書主公卿事二千石曹尚書主郡國二千石事侍郎四百石主作文書起草令史二百石

〔晉書職官志〕漢成帝建始四年置尚書四曹各有其任其一曰常侍曹主丞相御史公卿事其二曰二千石曹主刺史郡國事後又置三公曹為五曹後漢光武以三公曹主歲盡考課諸州郡事改常侍曹為吏部曹主選舉祠祀事

尚書雖有曹名不以爲號靈帝以侍中梁鵠爲選部尚書於此始見曹名

後漢書馮勤列傳勤爲郎中給事尚書使與諸侯封事

劉昭後漢志注蔡質漢儀曰三公曹典天下歲盡集課事

三公尚書二人典三公文書尚書郎初從三署詣臺試初

上臺稱守尚書郎中歲滿稱尚書郎三年稱侍郎

漢書百官公卿表郎掌守門戶出充車騎有議郎中郎侍

郎郎中皆無員

徐堅初學記秦初置郎中令其屬官有三署

中郎將凡署中有郎中侍郎無員多至千人

四百石以其爲郎居中故曰郎

尚書郎初從三署郎選詣

尚書臺試故郎中侍郎之名猶因三署本號也

書郎惟田蚡少爲諸曹郎是也其馮唐爲郎中顏驥爲郎

揚雄爲侍郎及諸言以貲爲郎父任爲郎皆三署郎至東

漢猶難分有尚書及曹名冠首者即尚書郎

曹郎中侍郎或不兩置

置有郎中侍郎

通典後漢尚書令史皆選於蘭臺符節簡練有吏能者爲

之尚書郎與令史皆主文簿

謹案今六部之名始於隋代由漢以迄南北朝則統爲

尚書諸曹其名增損不一大抵隨宜設官不必依六典

以爲區別故以今制配隸不盡相準今第取職掌可考

者分繫各部之下以明治革

公本主斷獄又別繫之刑部金部至侍郎郎中官名本
度支農部倉曹民曹則繫之戶部
出秦漢三署因以為尚書郎之通稱原無差別故杜佑
謂漢魏以來尚書屬或有侍郎或有郎中或曰尚書郎
或曰某曹郎或則兼置或為互名雖稱號不同其職一
也自隋煬帝置六侍郎增品第四以貳尚書之職改諸
司侍郎但曰郎於是侍郎始為六部長官唐初又於郎
下復加中字而郎中亦遂沿為曹屬定名然則隋以前
侍郎乃即今各部郎中之職其郎中與侍郎並置者而
今各部堂官之侍郎則前代所無隋以後始署名雖同
而實則異矣

三國

〔通典〕魏改選部為吏部主選事陳羣始建九品官人法拜
吏部尚書吳暨豔為選曹尚書

〔初學記〕吏部自漢及魏授此職者或云吏部尚書若授諸
曹尚書直云尚書漢魏晉世若授吏部者即云以某為吏
部尚書若授他曹云某為尚書至晉宋
齊以後始云某授工部刑
部五兵度支等尚書耳故歷代職官之書皆別紀吏部
尚書不與諸曹同

〔晉書百官志〕魏尚書郎有吏部二千石考功定課案定課
官志作
定科
〔通典〕魏自黃初改祕書為中書置通事郎掌詔草而尚書
郎非復漢時職任

謹案漢之尚書郎下筆為詔策出言為詔命其所掌蓋

即今內閣之任自魏文帝改其職入中書而尚書郎惟
理庶務乃與今六部司員無異世俗相沿以明光起草
含香奏事用爲部曹典故不知此乃漢尚書郎職儀其
實與後世曹郎並無涉也

晉

〔宋書百官志〕晉有吏部尚書

〔晉書職官志〕晉受命武帝罷定課置吏部二千石曹郎康
穆以後又無二千石郎但有吏部

〔唐六典〕晉尚書郎曹有考功郎中一人

〔通典〕晉有尚書都令史秩二百石與左右丞總知都臺事
又賈充置省事吏品職與諸曹令史同

六百三十

宋齊梁陳

〔鄭樵通志〕宋時吏部尚書領吏部刪定三公比部四曹孝
武不欲威權在下大明二年分吏部尚書置二人以輕其
任而省五兵後還置一吏部尚書

〔宋書百官志〕太祖元嘉十八年增刪定曹郎次在左民曹
上蓋魏世之定科即定郎也三十年又置功論郎次都官
之下在刪定之上

〔南齊書百官志〕吏部尚書領吏部刪定三公比部四曹

謹案宋齊以比部主法制故領於吏部尚書而隋以後
則皆屬刑部又功論郎所掌本考功法而南齊志所載
乃領於都官尚書不隸吏部蓋時未有六部定制故隨

宜統攝不相畫一也今悉以現行職掌所承爲定以功論郎繫之吏部而比部郎則仍列入刑部表內他並仿此

隋書百官志梁置吏部尚書吏部刪定三公比部等郎天監二年置侍郎其郎中在職勤能滿二載者轉之陳承梁皆循其制吏部尚書中二千石品第三尚書吏部侍郎郎中六百石品第四

通典尚書都令史宋齊八人梁五人謂之五都令史舊用人常輕武帝詔用士人乃以司空法曹參軍劉顯兼吏部都○晉宋蘭臺寺正書令史雖行文書皆有品秩朱衣執板給書僮梁陳同

北魏

魏書官氏志吏部尚書第三品尚書吏部侍郎第四品尚

書郎中第六品尚書都令史主事令史從第八品皇始四年復尚

書三十六曹置代人令史一人譯令史一人書令史一人

謹案主事之名本起於漢之光祿勳後漢書范滂傳滂遷光祿勳主事時

陳蕃爲光祿勳滂執公儀請蕃蕃不止之滂投版棄官去自魏於尚書諸司各置主

事令史隋代又去令史字遂爲今各部主事之權輿然唐宋多用流外其品猶卑金始用士人大定中并用進士而所掌不過吏職故明初尚爲首領官至洪武中改主事爲司官乃與郎中員外郎並稱清選矣

後周

後周書蘇綽列傳太祖依周禮建六官天官府管冢宰等眾職

馬端臨文獻通考後周有吏部中大夫一人掌羣臣及諸子之簿辨其貴賤與其年歲歲登下其損益之數依六勳之賞頒祿之差小吏部下大夫一人掌貳事領司勳上士等官屬大司馬

隋

隋書百官志高祖置吏部尚書統吏部侍郎二人主爵侍郎一人司勳侍郎二人考功侍郎一人○尚書省二十四司各置員外郎一人以司其曹之籍帳侍郎闕則釐其曹事煬帝定尚書六曹各侍郎一人以貳尚書之職諸曹侍郎並改爲郎又改吏部爲選部郎諸部別見後以異六侍郎之名廢諸司員外郎而每曹置一曹郎各爲二員尋又每減一郎置承務郎一人同員外之職

名廢諸司員外郎而每曹置一曹郎各爲二員尋又每減一郎置承務郎一人同員外之職
通典開皇三年置員外郎今尚書員外郎自此始以前歷代皆謂之尚書郎或謂之侍郎皆無員外之號前代史傳及職官要錄或有言員外郎者蓋謂員外散騎侍郎耳非尚書之職

通志尚書都令史隋改都事煬帝分隸六尚書置六人領六曹事○主事令史煬帝去令史之名但曰主事隨曹閑劇每十令史置一主事不滿十者亦一人雜用士人○令史後魏謂之流外勳品北齊尚書郎判事正令史側坐書令史過事自隋以來漸爲卑冗煬帝以四省三臺皆曰令

史九寺五監諸府衛皆曰府史

謹案前代尚書曹名增減不一自隋文帝置吏部禮部兵部都官度支工部六曹旋復改度支為民部都官為刑部於是六部之名至今沿為定式其侍郎員外郎主事諸官亦皆定於隋代漢魏以來尚書規制至此而斟酌漸密故後來多本之焉

唐

舊唐書百官志吏部尚書一員正三品龍朔二年改為司列太常伯光宅元年改為

天官尚書神龍復為吏部尚書侍郎二員正四品上龍朔改為司列少常伯咸亨復總章元年吏部兵部

各增置侍郎一員掌天下官吏選授勳封考課之政令其屬有四

一曰吏部二曰司封三曰司勳四曰考功總其職務而行

大三百七十八

其制命尚書侍郎分為三銓尚書為尚書銓侍郎擇人以二人分為中銓東銓

四才校功以三實據其官資量其注擬以定九流之品格

郎中二員並從五品上龍朔為司列大夫咸亨光宅並隨曹改員外郎二員並從六品上

郎中一人掌考天下文吏之班秩階品郎中一人掌小銓

以其在九流之外謂之流外銓亦謂之小選小銓舊委郎中專知開元

二十五年又敕銓試說畱故皆尚書侍郎定之也員外郎一人掌判南曹曹在選南曹

員外郎一人掌判曹務○司封郎中一員從五品上隋曰

主爵郎武德因之龍朔改為司封員外郎一員從六品上掌國

之封爵○司勳郎中一員從五品上隋曰司勳郎武德初

復咸亨司勳員外郎二員從六品上掌邦國官人之勳級○考功

郎中一員從五品上龍朔二年改為考功員外郎一員從六品上

品掌内外文武官吏之考課

司馬光資治通鑑天寶十一年三月乙巳改吏部為文部

至德二載復舊

唐六典尚書左右司各掌付十有二司之事以舉正稽違省署符目都事監而受焉左右司都事從七品上主事從九品上

謹案唐宋以來尚書左右司本都省僚屬說已具前自明代分建六部革都省之制左右司郎中員外郎俱已久廢惟今各部堂主事司務所掌如受遣文書考察掾史諸務尚即前代左右司都事主事之舊職謹以隸左司者著之吏部表内他部仿此

六百四十一

新唐書百官志吏部主事四人司封主事二人司勳主事

四人考功主事三人胡三省通鑑注唐主事並用流外入流者補之吏部令史三

十人書令史六十八人制書令史十四人甲庫令史十三人

亭長八人掌固十二人司封令史四人書令史九人掌固

四人司勳令史三十三人書令史六十七人掌固四人考

功令史十五人書令史三十人掌固四人

謹案唐承隋制尚書六部部各四曹凡二十四曹其每

部首曹即以本部為曹名佐其長而行政令謂之本曹

如吏部郎為尚書吏部郎中員外郎戶部郎為尚書戶部郎中員外郎其餘三曹各以職

掌分列而署銜則不冠以本部名謂之子司如司封則但曰尚書

司封郎中員外郎司勳則但曰尚書司勳郎中員外郎並不冠以吏部宋制因之所謂吏

職官表卷五吏部

廣雅書局

勳封考戶度金倉禮祠主膳兵職駕庫刑都比門工屯
虞水者是也金元六部皆無分曹明初復仍唐制部設
四曹而首曹之以本部為名者則改稱總部尋又改吏
禮兵工四總部為文選儀制武選營繕四清吏司至此
始別置曹名後遂沿為定制然溯其源流則固唐宋之
本曹也至考功自唐迄明皆為吏部第四曹

本朝始改列文選之次蓋一司銓政一司考課相輔而行
於體制斯為允稱矣

唐會要唐因隋制吏部尚書掌銓六品七品選侍郎掌銓
八品九品選至景雲元年宋璟為吏部尚書始相通與侍
郎分知因為故事

大四百零七

通典自開元以來宰相員少資地崇高又以兵吏尚書權
位尤美而宰臣多兼領之但從容衡軸不自銓綜其選試
之任皆侍郎專之尚書通署而已遂為故事或分領其事
則列為三銓四年六月勅員外郎御史并餘供奉官直進名勅授自此不在吏部尚書掌其
一侍郎掌其二

顧炎武日知錄唐貞觀元年京師穀貴始分人於雒州置
選至開耀元年以河雒天下之中詔東西二曹兩都分簡
謂之東選是東都一掌選也黔中嶺南閩中官不由吏部
委都督選擇土人補授上元三年勅每年遣五品已上官
充南選使仍令御史同往注擬大厯十四年詔專委南選
使停遣御史是黔中嶺南閩下各一掌選也李峴傳曰代

宗徵峴為荆南節度知江淮選補使又曰罷相為吏部尚書知江淮選舉置銓於洪州劉滋傳曰興元元年改吏部侍郎往洪州知選事是江南又一掌選也

李肇國史補郎官故事吏部郎中二廳先小銓次格式員外郎二廳先南曹次廢置其制尚矣

王定保唐摭言俊秀等科比皆考功主之開元二十四年廷議以省郎位輕不足以臨多士乃詔禮部侍郎專之

謹案考功本掌貢舉及議論之事其後貢舉雖歸之禮部而議論之職至宋猶然明初始以屬之內閣云

錦繡萬花谷

無撰人名

尚書郎自兩漢後妙選其人唐貞觀以來尤重其職吏部前行最為要劇自後行改入皆為美遷

大四百一十四

案唐制尚書六曹以吏部兵部為前行戶部刑部為中行禮部工部為後行考功員外郎專掌

貢舉員外郎之最望者也

五季

五代史本紀吏部侍郎于兢為中書侍郎

五代史列傳李琪遷吏部尚書

謹案五代新史關職官志舊史雖有之而簡陋殊甚故官制無可考見以紀傳核之六曹官名大約多仍唐舊今略採二條以見其概又豆盧革傳載唐梁之際吏部銓文書不完因緣為姦利郭崇韜請論以法選人吳延皓改告身事發尚書左丞判吏部銓崔沂等皆貶據此則後唐吏部銓又嘗以他官掌之亦不盡用三銓之法

也

宋

〔文獻通考〕宋朝典選之職自分為四文選二曰審官東院
淳化二年置磨勘京朝官院又以差遣院併入號磨勘差遣院亦名考課院淳化四年以考課京朝官院為審官院熙寧開置審官西院以主武選於是改審官院為審官東院焉曰流內銓武選二曰審官西院曰三班院元豐定制以審官東院為尚書左選審官西院為尚書右選流內銓為侍郎左選三班院為侍郎右選掌文武官選授勳封考課之政令文臣寄祿官自朝議大夫職事官自大理正以下歸尚書左選武臣陞朝官自皇城使職事官自金吾衛仗司以下歸尚書右選自初仕至州縣幕職官歸侍郎左選自借差監當至供奉官軍使

歸侍郎右選凡分職為三封爵贈官之事司封主之賜功定省之事司勳主之官資課最名諡之事考功主之

〔宋史職官志〕吏部尚書掌文武二選之法所隸官分掌其事兼總於尚書驗實而後判成置吏曰主事令史曰書令史曰守當官二十四司亦如之南渡初諸曹長貳互置惟吏部備官紹興八年置權尚書以處未應資格之人○侍郎分左右選建炎四年置權侍郎滿二年為真舊制吏部除侍郎二員分典左右選總稱吏部侍郎間命官兼攝惟稱左選侍郎或右選而已紹興三年始有侍左侍郎侍右侍郎之稱既而徑入除目相承不改○郎中員外郎舊主判二人以朝官充元豐官制行置吏部郎中主管尚書左

職官表卷五
右選及侍郎左右選各一員參掌選事而分治之凡郎官
並用知府資序以上人充未及者爲員外郎紹興八年呂
希常兼權侍右郎官紹興三十一年李端明除尙右郎官
旣而何備揚倖費行之除吏部郎官皆有侍左侍右尙左
尙右之稱自此相承不改○司封郎中員外郎掌官封敘
贈承襲之事○司勳郎中員外郎掌勳賞之事○考功郎
中員外郎掌文武選敘磨勘資任考課之政令○尙書左
右司分房十置都事三人主事六人

謹案唐以吏部主文選兵部主武選宋則文武二選悉
歸之吏部且有由中書樞密除授併不經吏部二選者
宋六曹悉仍唐制惟選法視唐爲較異云

李心傳建炎以來朝野雜記六部監門官紹興二年初置
秩比寺監丞郎官有缺得兼之內選則爲寺監丞或權郎
外除至有爲諸路總領者六部架閣官崇寧間始置迄宣
和再置再省紹興三年立六部架閣庫十五年復置官四
人

謹案宋六部同建於尙書都省故監門官得統司六部
之事以其職考之似卽今之司務也至宋制六部成案
畱部二年然後藏之架閣庫又八年則委之金耀門文
書庫故特設官以掌之今之六部文案各畱本司諸曹
皆自爲典守是以前代架閣掌固之官悉罷之而不設
焉

遼

遼史百官志契丹南樞密院掌文銓部族丁賦之政凡契丹人民皆屬焉以其牙帳居大內之南故名南院○南院樞密使○知南院樞密使事○知南院樞密事○南院樞密副使○知南院樞密副使事○同知南院樞密使事○簽書南樞密院事○南院都承旨○南院副承旨○南院林牙○知南院帖黃○給事南院知聖旨頭子事○掌南院頭子○南樞密院啟事○南院郎君○南樞密院通事○南院掾史

謹案遼代北面官僚不設六部遼史百官志謂南樞密院視吏部今特著之於表以存一代之沿革其南北二

王等官之視各部者均仿此分繫至南面漢官多依唐制而百官志亦不能具詳惟吏部尚書劉績見於聖宗本紀開泰元年今並著於表以見其概焉

金

金史百官志吏部尚書一員正三品侍郎一員正四品郎中二員從五品員外郎從六品掌文武選授勳封考課出給制誥之政以才行勞效比仕者之賢否以行止文冊貼黃簿制各闕之機要正七品以上以名上省聽制授從七品以下每至季月則循資格而擬注自八品以上則奏以下則否侍郎以下皆爲尚書之貳郎中掌文武選流外遷用官吏差使行止名簿封爵制誥一員掌勳級酬賞承襲

用廕循遷致仕考課議諡之事員外郎分判曹務及參議
 事所掌與郎中同主事四員從七品掌知管差除校勘行
 止分掌封勳資考之事惟選事則通署及掌受事付事檢
 勾稽失省署文牘兼知本部宿直檢校架閣餘部主事自
 受事付事以下所掌並同此皇統四年六部主事始用漢
 士人大定三年用進士非特
 旨不得擬吏人令史六十九人內女
 直二十九人譯史五人通事二人架閣庫管勾正八品
 同管勾一員尚書左右都事正七品掌檢勾稽失省署文
 牘

謹案金代六部統為一署不設曹屬而以郎中員外郎
 分判諸務元制亦同俱視唐宋為稍異惟吏部兼文武
 兩銓則猶沿宋之舊也

六百八十三

元

〔元史百官志〕吏部尚書三員正三品侍郎二員正四品郎
 中二員從五品員外郎二員從六品掌天下官吏選授之
 政令凡職官銓綜之典吏員調補之格封勳爵邑之制考
 課殿最之法悉以任之主事三員蒙古筆且齊蒙古語寫
 字人也原
 作必闍赤
 今改正三人令史二十五人回回令史二人克哷穆爾
 齊蒙古語通事也原作
 今改正一人知印二人奏差六人銓寫五
 人典吏一十九人○左三部照磨所秩正八品照磨一員
 掌吏戶禮三部錢穀計帳之事典吏八人

〔富大用事文類聚〕元左右司各置都事吏部掌天下文武
 官吏選授勳封考察廉能出給制誥等事司封司勳考功

無專曹有封誥科勳封科考選科以令史分頭掌之

謹案元中統初以吏戶禮為左三部兵刑工為右三部至元中又以吏禮為一部兵刑為一部戶工各為一部其後始分列尚書六部迨尚書省廢後以其職併入中書六部遂改統於中書省故元代文移皆稱中書某部云

明

鄧球泳化類編洪武戊申始設六部官職以分理天下庶務仍統於中書省庚申春革中書省罷丞相永不許設遂定六部尚書正二品左右侍郎正三品郎中正五品員外郎從五品主事從六品及都察院通政司大理寺為正九

卿衙門自是中書之政分於六部

明史職官志吏部尚書一人左右侍郎各一人其屬司務廳司務二人文選驗封稽勳考功四清吏司各郎中一人員外郎一人主事一人尚書掌天下官吏選授封勳考課之政令以甄別人才贊天子治視五部為特重侍郎為之貳司務掌催督稽緩勾銷簿書明初設主事司務各四人為首領官有主事印洪武二十九年改主事為司官文選掌官吏班秩遷陞改調之裁司務二人各部並同事驗封掌封爵襲蔭褒贈吏算之事稽勳掌勳級名籍喪養之事考功掌官吏考課黜陟之事明初設四部於中書省分掌錢穀禮儀刑名營造之務洪武元年始置六部吏部設總部司勳考功三屬部十三年罷中書省倣周官六

卿之制陞六部秩每部分四屬部吏部屬部加司封二十二年改總部爲選部二十九年定爲文選驗封稽勳考功四司並五部屬皆稱清吏司景泰中吏部嘗設二尙書天順初復罷其一吏部尙書表率百僚進退庶官銓衡重地其禮數殊異無與並者永樂初選翰林官入直內閣其後大學士楊士奇等加至三孤兼尙書銜然品敘列尙書蹇義夏原吉下景泰中左都御史王文陞吏部尙書兼學士入內閣其班位猶以原銜爲序次自宏治六年二月內宴大學士邱濬遂以太子太保禮部尙書居太子太保吏部尙書王恕之上其後由侍郎詹事入閣者班皆列六部上矣

大四百五十一

永樂大典吏部原設總部司封司勳考功銅印各一顆各設郎中員外郎首領官主事銅印各一顆洪武二十二年二月將總部改爲選部二十九年八月將選部等部改爲文選等清吏司郎中員外郎主事連銜書卷主事印革去謹案歷代省署以令史掌文書其官起於前漢史記酷吏傳趙禹補中都官用廉爲令史是也東漢尙書令史秩二百石華嶠後漢書稱郎主文案與令史不殊應劭漢官儀亦云尙書令史滿歲爲尙書郎出亦與郎同宰百里郎與令史分職受事蓋其遷除之重如此三國魏令史第八品晉亦二百石宋齊梁陳品並第八朱衣執板進賢一梁冠梁武帝至擇朝臣才地並美者以充其

選北魏有譯令史書令史亦皆八品隋初著令以爲流
外勳品唐代限考始入流於是遂爲吏途宋亦案考出
職至諸州上佐金尚書省有契丹令史女直令史譯史
等職選用之途有四曰文資曰女直進士曰右職曰宰
執子其遷轉視唐宋較優元虞集經世大典敘錄稱元
入官之制自吏業進者爲多卿相守令於此焉出故補
吏法最爲詳密六部令史以諸路儒學歲貢人充之其
譯史蒙古筆且齊諸職亦多以從七品流官補用綜其
資格雖代有升降而周禮所謂掌官書以贊治者固八
職之一也

本朝諸司衙門各置滿洲蒙古漢軍筆帖式以繙譯清漢

章奏文牘蓋卽金元女直令史譯史蒙古筆且齊之職
而其原實沿歷代令史遺制特是唐宋用人頗輕而今
筆帖式爲八旗子弟進身之階自舉人貢監任子以逮
官學義學生皆得預選集試而後命之引

見而後官之爲之內外升轉之法以激勵之掄覈維精人材
奮起益登用之廣視金制而詳慎彌加遷擢之優視漢
制而考核尤備洵非前代僅稱雜流者所可比擬矣謹
略採沿革著之於表而復論次大概附識於吏部篇末
云

又案明代銓政主於文選一司自部院屬官府縣正佐
皆聽吏部擇人注授初無成法而大僚則由廷議會推

是以用舍大權悉歸臣下掌握然究其所推者又不必盡孚輿論大抵仍視大臣居首者意指所向而羣相附和之其闕門聚議不過沿習具文並無一人能主持公道是即所推者果克當其任而恩怨所在其不預推者勢不能不生觖望營求傾軋將從此起又況所推不出於至公而徒以朝廷爵祿榮途為諸臣網利徇私之具其弊又何可勝道我

朝慎重名器董正治官首罷廷推之制凡內外大員皆由特簡即一命以上由部案例注闕者亦必經引見而後給憑赴職用人行政事事悉仰承

睿斷

乾綱獨攬柄不下移信億萬禩所當永為法守也

南海桂銘球初校

益陽蔡芳覆校

番禺陶福祥再覆校

欽定歷代職官表卷五

職官表卷五

史部

三

廣雅書局

欽定歷代職官表卷六

戶部表

三代	夏 司徒	商 大司農	周 地官大司徒
秦	分曹	大司農卿	民曹尚書
漢	大司農卿	民曹尚書	民曹尚書
後漢	大司農卿	民曹尚書	民曹尚書
三國	度支尚書	左民尚書	右民尚書
晉	度支尚書	左民尚書	右民尚書
宋齊	度支尚書	左民尚書	右民尚書
梁陳	度支尚書	左民尚書	右民尚書
北魏	度支尚書	左民尚書	右民尚書
北齊	度支尚書	左民尚書	右民尚書
後周	大司徒	民部尚書	戶部尚書
隋	度支尚書	民部尚書	戶部尚書
唐	度支尚書	戶部尚書	戶部尚書
五代	戶部尚書	戶部尚書	戶部尚書
宋	戶部尚書	戶部尚書	戶部尚書
遼	北院大	知北院	知南院
金	戶部尚書	戶部尚書	戶部尚書
元	戶部尚書	戶部尚書	戶部尚書
明	戶部尚書	戶部尚書	戶部尚書

職官表卷六、戶部表

廣雅書局刊

農卿太倉令之職守至

本朝戶部三庫卽唐宋之太府左右藏庫而

特簡大臣綜理月要歲會以受其成則又近於唐之度支使
宋之三司使雖職事原屬相關而司存所在不可不詳
加條別謹參考史傳以戶部沿革詮次於篇而戶部三
庫倉場衙門則各爲一表系諸戶部之後又寶泉局與
寶源局雖分隸兩部而職司圜法源委無殊今合爲一
表併附於戶部焉

戶部

國朝官制

戶部尚書滿洲漢人各一人

掌天下土田戶口財穀之政平準出納以均邦賦所屬有
山東山西河南江南江西福建浙江湖廣陝西四川廣東
廣西雲南貴州十有四司

國初戶部設承政二員蒙古承政一員漢承政一員參政八員
啓心郎一員崇德二年改設承政一員左參政二員右參
政四員啓心郎滿洲一員漢人二員順治元年改承政參
政爲尚書侍郎其滿漢尚書無定員五年定滿漢各一員
七年增滿洲一員十年裁十五年裁啓心郎康熙六年復

增滿洲尙書一員八年裁雍正元年以來親王及大學士奉

命兼理部務皆由

特簡不常置

左右侍郎滿洲漢人各一人

順治元年定掌審計國用以貳尙書滿漢右侍郎兼管理

錢法堂事務

山東清吏司郎中滿洲二人漢人二人員外郎滿洲三人漢人一人主事滿洲漢人各一人

掌稽山東省及奉天民賦收支奏冊青州德州駐防

盛京吉林黑龍江將軍所屬兵精出納並參票畜稅之事兼

覈長蘆兩淮河東兩浙福建廣東四川雲南等處鹽課請引疏銷初滿洲司屬不分曹聽委於其長順治元年定戶部滿洲郎中十八人蒙古郎中四人漢軍郎中二人滿洲員外郎三十八人蒙古員外郎五人漢軍員外郎六人滿洲主事十四人蒙古主事一人康熙三十八年裁蒙古漢軍郎中員外郎五十七年復設蒙古郎中一人員外郎一人增設蒙古主事一人漢人司官自順治元年卽隨司置額十四司各郎中一人員外郎一人主事三人十一年裁漢人主事各司一人康熙六年又裁江南浙江江西湖廣福建河南陝西廣西四川貴州司各一人三十八年又裁山東山西廣東雲南司各司一人今漢人主事各一人

山西清吏司郎中滿洲漢人各一人員外郎滿洲蒙古漢人各一人主事滿洲漢人各一人

掌稽山西省民賦收支奏冊兼覈游牧察哈爾地畝土默特地糧喀爾喀四部定邊左副將軍辦事官屬張家口賽爾烏蘇臺站官兵俸餉及烏里雅蘇臺科布多屯田官兵番換之事

河南清吏司郎中滿洲漢人各一人員外郎滿洲二人漢人一人主事滿洲漢人各一人

掌稽河南省民賦收支奏冊兼覈河南城守尉游牧察哈爾及圍場捕盜官兵俸餉勾檢各省採買事彙而奏之

江南清吏司郎中滿洲漢人各一人員外郎滿洲二人漢人一人主事滿洲漢人各一人

掌稽江蘇安徽二省民賦收支奏冊兼覈江甯蘇州織造支銷奏冊江甯京口駐防官兵俸餉

江西清吏司郎中滿洲漢人各一人員外郎滿洲二人漢人一人主事滿洲漢人各一人

掌稽江西省民賦收支奏冊

福建清吏司郎中滿洲漢人各一人員外郎滿洲五人漢人一人主事滿洲蒙古漢人各一人

掌稽直隸福建二省民賦收支奏冊兼覈

東西陵及熱河密雲等處駐防官吏兵丁俸餉與其乳牛馬牧之政令文武鄉會試支供五城振粟皆屬焉

浙江清吏司郎中滿洲漢人各一人員外郎滿洲二人漢人一
人主事滿洲漢人各一人

掌稽浙江省民賦收支奏冊兼覈杭州織造支銷奏冊杭
州乍浦駐防官兵俸餉

湖廣清吏司郎中滿洲二人漢人一人員外郎滿洲二人漢人
一人主事滿洲漢人各一人

掌稽湖北湖南二省民賦收支奏冊兼覈荊州駐防官兵
俸餉凡各省耗羨之數合其籍帳以時奏之

陝西清吏司郎中滿洲蒙古漢人各一人員外郎滿洲三人漢
人一人主事滿洲漢人各一人

掌稽西安甘肅二省民賦收支奏冊并行銷茶引兼覈伊

犂烏魯木齊屯田支銷奏冊在京漢官俸廩外藩俸幣及
巡捕五營俸餉各衙門經費

四川清吏司郎中滿洲漢人各一人員外郎滿洲二人漢人一
人主事滿洲漢人各一人

掌稽四川省民賦收支奏冊兼覈兩金川等處新疆屯務
本省關稅在京入官戶口贓罰銀錢各部院等衙門紙硃

支費察直省郡縣之豐歉水旱歲具其數而上之

廣東清吏司郎中滿洲漢人各一人員外郎滿洲三人漢人一
人主事滿洲漢人各一人

掌稽廣東省民賦收支奏冊兼覈八旗繼嗣歸宗更正戶
口壽民孝子節婦之受旌者給以坊直諸倉諸局諸關差

之滿歲者則以期請代焉

廣西清吏司郎中滿洲漢人各一人員外郎滿洲四人漢人一
人主事滿洲漢人各一人

掌稽廣西省民賦收支奏冊兼覈京省錢局運銅鼓鑄及
內倉支放供應芻豆

雲南清吏司郎中滿洲二人漢人一人員外郎滿洲三人漢人
一人主事滿洲一人漢人一人

掌稽雲南省民賦收支奏冊兼覈山東河南江南江西浙
江湖廣等省歲運漕糈京通倉儲及江寧等處水次六倉
收支考覈

貴州清吏司郎中滿洲漢人各一人員外郎滿洲三人漢人一

人主事滿洲漢人各一人

掌稽貴州省民賦收支奏冊兼覈太平等二十有四關徵
收稅課

堂主事滿洲四人漢軍二人

直南檔房者滿洲二人掌八旗編審直北檔房者滿洲二
人漢軍二人掌酌撥餉銀校勘章疏俱順治元年定額

司務廳司務滿洲漢人各一人

順治元年定額

職事見吏部篇

筆帖式滿洲百人蒙古四人漢軍十有六人

滿洲筆帖式初置九十有九人後增至一百三十有五人
續改定員數如今制蒙古筆帖式初置二人續增設二人

漢軍筆帖式初置十有六人後增至三十二人續裁定員

數如初制分隸各司視事之繁簡以為額職事見吏部篇

謹案戶部自十四司外其別領者有三曰井田科掌覈

八旗土田內府莊戶凡入官房宅地畝及歲租斂給之

數悉以咨之雍正十二年置曰俸餉處掌覈八旗官兵

俸餉庫銀丁冊視所由牒請畫一而給受之曰現審處

掌治八旗戶口田房之訟會刑部以聽其成皆鑄給關

防乾隆十三年置堂官遴司屬分治其政令無定員

內倉監督滿洲二人

內倉本明內官監倉順治十年改今名專隸本部以供

內府奉祭祀待外藩屬國朝貢之饗餼教習官役之廩粟牧

馬之豆咸貯焉監督應時而給之初屬之廣西司滿漢司

官康熙三十二年定於應除小差之滿洲蒙古漢軍年久

司官內次除一人管理雍正元年改定於本部滿洲司官

內委用二年而代

歷代建置

尚書以下諸官沿革互詳吏部篇他部倣此

三代

杜佑通典舜命禹為司徒元孫之子微為夏司徒

禮記曲禮天子之五官曰司徒鄭康成注此殷時制也

尚書周官司徒掌邦教敷五典擾兆民

周禮地官教官之屬大司徒卿一人小司徒中大夫二人

鄉師下大夫四人上士八人中士十有六人旅下士三十

有二人府六人史十有二人胥十有二人徒百有二十人
大司徒之職掌建邦之土地之圖與其人民之數以佐王
安擾邦國小司徒之職掌建邦之教法以稽國中及四郊
都鄙之夫家九比之數鄉師之職各掌其所治鄉之教而
聽其治以國比之法以時稽其夫家眾寡

鄭康成注師長也司徒掌六鄉

鄉師分而治之二人者共三鄉之事相左右也

周禮天官司會中大夫二人下大夫四人上士八人中士
十有六人府四人史八人胥五人徒五十人以九貢之灋
致邦國之財用以九賦之灋合田野之財用以九功之灋
令民職之財用以九式之灋均節邦之財用掌國之官府
郊野縣都之百物財用凡在書契版圖者之貳以逆羣吏

之治而聽其會計

唐六典戶部尚書周之地官卿也侍郎周之小司徒中大
夫也司徒屬官有下大夫蓋郎中之任有上士蓋員外郎
之任

通典案今戶部之職與地官之任雖亦頗同若徵其承受
考其沿革則戶部合出於度支度支主計算之官也算計
之任本出於周禮天官之司會云

謹案司徒本職在敬敷五教故杜佑以為後世戶部之
任當出於天官司會然考周官司徒所屬皆泉布貨賄
之政以及萬民之判百族之市罔不聽其治焉正如今
所謂戶婚田土之事其以教為職者不過師氏保氏數

官耳至鄉師分治六鄉則今戶部之十四清吏司案省分職蓋猶其遺意也

周禮地官春人奄二人女舂枕二人奚五人掌其米物祭祀共其齎盛之米賓客共其牢禮之米凡饗食共其食米掌凡米事○司市掌市之治教政刑量度禁令質人掌成市之貨賄人民牛馬兵器珍異凡賣債者質劑焉廛人掌斂市紬布總布質布罰布廛布而入於泉府胥師各掌其次之政令而平其貨賄賈師各掌其次之貨賄之治辨其物而均平之司疏掌憲市之禁令司稽掌巡市而察其犯禁者鄭康成注司市市官之長自胥師以及司稽皆司市所自辟除也

謹案地官春人當為今內倉之職所自出謹著之於表

至司市以下諸官俱掌市肆辨物平價之政令歷代因之置市令丞平準令丞或屬京兆河南尹或屬司農或屬少府今惟戶部現審處所掌猶近質人之職說見而順天府通判典治牙儉亦當為兩漢長安市長丞雒陽市長丞之任說具順天府篇中若其他征稅禁令之事掌於戶部者皆分隸各司並無專官今故考論大略於此不復系諸表內又案晏子春秋載齊有職計蓋亦掌財賦之官已互見吏部篇云

漢

唐六典漢成帝置尚書五人其三曰民曹主吏人上書事後漢以民曹兼主繕修工作當工官之任

宋書百官志漢儀尚書郎四人一主戶口懇田一主財帛委輸

史記高祖功臣侯表北平侯張蒼為計相四歲漢書如淳

注計相官名但知計會杜佑曰計相殆今度支之任王應麟曰周以司會質歲成漢以計相

經國用

漢書百官公卿表大農令武帝更名大司農

後漢書百官志大司農卿一人中二千石掌諸錢穀金帛諸貨幣郡國四時上月旦見錢穀簿其逋未畢各具別之邊郡諸官請調度者皆為報給損多益寡取相給足丞一人比千石

謹案漢尚書郎之主戶口財帛者即今戶部郎中員外

郎之任而民曹尚書則未掌財用故杜佑通典以為非

戶部之例說具後然考戶部本於民部民部本於民曹官

制相承實由此出故唐六典即繫之戶部沿革今亦從之

又張蒼以善算為計相雖非常置之官而其職實同戶部今並著之於表至司農一寺舊說皆以戶部當之

然司農本出於秦治粟內史為典司委積之官故以農為名漢桑宏羊領大農盡幹天下鹽鐵雖其職似今戶部而自晉以後金帛會計已別領之度支司農遂專主

倉廩租穀實為今倉場之職不可以概地官之任今但取漢代建置兼載於此而其餘則專繫諸倉場篇內焉

漢書百官公卿表少府屬官有導官令丞師古曰導官主擇米

後漢書百官志導官令一人六百石主春御米丞一人屬大司農

三國

晉書列傳魏文帝置度支尚書專掌軍國支計

宋書百官志魏世有左民曹尚書金部度支農部倉部

民曹郎

謝維新合璧事類魏晉儀注曰魏有農部郎中

三國吳志孫休升便殿止東廂戶曹尚書前即階下讀奏

謹案通典引此文作戶部尚書而三國志實作戶曹疑

通典傳刻之訛也

三國吳志殷禮本占候召張溫乞將到蜀禮還當親本職

而令守尚書戶曹郎

謹案通典亦引此事稱吳時張溫為尚書戶曹郎核之

吳志乃溫擅以殷禮守戶曹郎故孫權指為溫罪非溫

自為此官也蓋杜佑徵引之誤

晉

通典晉有度支主算計

太平御覽晉起居注曰咸寧五年詔曰一年不收使公私

俱匱不惟天時乃人事有不盡也故總要者正在度支尚

書也其以中書令張華為度支尚書

唐六典左民尚書晉初省之太康中又置惠帝時有右民

尚書

職官表卷六
宋書百官志晉西朝則金部倉部度支左民右民曹郎後
又置運曹江左無民運曹郎康穆以來有倉部度支左民
曹郎

晉書職官志大司農統導官令

宋齊梁陳

宋書百官志度支尚書領度支金部倉部起部四曹左民
尚書領左民駕部二曹度支主算支派也度量也餘曹所
掌各如其名導官令一人丞一人漢東京置導擇也擇米
令精也

南齊書百官志度支尚書領度支金部倉部起部四曹左
民尚書領左民駕部二曹大司農領導官令一人丞一人

隋書百官志梁武受命尚書省置度支左戶等尚書度支
金部倉部左戶等郎天監九年詔五都令史視奉朝請以
太學博士孔虔孫兼金部都司空法曹參軍蕭軌兼左戶
都○司農卿統導官令

唐六典梁陳置左戶尚書並掌戶籍兼知工官之事民部
曹梁陳爲左戶郎

隋書百官志陳承梁皆循其制官

北魏

魏書官氏志始光元年正月置右民尚書

通典後魏度支亦掌支計崔亮爲度支尚書經
營費用歲減億計

冊府元龜後魏度支尚書之屬統度支掌計會凡軍國損

益及軍役糧廩事倉部掌諸倉帳出入事左戶掌天下計
掾戶籍等事右戶掌天下公私田宅租調等事金部掌權
衡量度內外諸庫藏文帳等事

北齊

隋書百官志後齊置度支尚書統度支掌計會凡軍國損益軍役糧廩等事

倉部掌諸倉帳出入等事左戶掌天下計帳戶籍等事右戶掌天下公私田宅租調等事金

部掌權衡量度內外諸庫藏文帳等事郎中並一人左戶量置掌故主事員

唐六典北齊導官有御細部等倉督

後周

馬端臨文獻通考後周置大司徒卿一人如周禮之制其
屬有民部中大夫二人掌承司徒教以籍帳之法贊計人

民之眾寡

冊府元龜後周又有計部大夫其戶部度支金部倉部咸

準六官各以其差次屬焉

隋

隋書百官志高祖受命尚書省總度支曹度支尚書統戶

部侍郎各二人金部倉部侍郎各一人開皇三年以度支

尚書為戶部尚書煬帝增六曹各侍郎一人以貳尚書諸

曹侍郎並改為郎又改戶部為人部郎以異侍郎之名○

導官置令二人導官有御細倉督二人

謹案今戶部之名肇於唐高宗時隋世戶部尚稱為民

部煬帝時韋冲為民部尚書武德二年隋志修於貞觀之

世避太宗御名故改民字為戶字其實隋代並無戶部
尚書侍郎也惟人部郎當為戶部郎隋志既改民部為
戶部嫌其同名故又別改作人字耳

通典漢有民曹主吏民上書後漢光武改主繕修工作鹽
池苑園魏置左民尚書晉又加置右民尚書至於宋齊梁
陳皆有左民尚書而後魏有左民右民等尚書多領工役
非今戶部之例而梁陳兼掌戶籍此則略同自周隋有民
部始當今戶部之職

唐

新唐書百官志戶部尚書一人正三品侍郎二人正四品
下掌天下土地人民錢穀之政貢賦之差其屬有四一日

戶部二曰度支三曰金部四曰倉部戶部郎中員外郎掌
戶口土田賦役貢獻蠲免優復嫺婚繼嗣之事以男女之
黃小中丁老為之帳籍以永業口分園宅均其土田以租
庸調斂其物以九等定天下之戶以為尚書侍郎之貳其
後以諸行郎官判錢穀而戶部度支郎官失其職矣會昌
二年著令以本行郎官分判錢穀戶部巡官二人主事四
人度支主事二人金部主事三人倉部主事三人
高宗即位改民部曰戶部龍朔二年改戶部曰司元度支曰司度金部曰
司珍倉部曰司庫光宅元年改戶部曰地官天寶十二載
改金部曰司倉倉部曰司儲有戶部令史十七人書令史
三十四人計史一人亭長六人掌固十人度支令史十六
人書令史三十三人計史一人掌固四人倉部令史十二人
書令史二十一人計史一人掌固四人倉部令史十二人
書令史二十三人計史一人掌固四人倉部令史十二人
書令史二十三人計史一人掌固四人倉部令史十二人

租賦物產豐約之宜水陸道涂之利歲計所出而支調之以近及遠與中書門下議定乃奏○金部郎中員外郎各一人掌天下庫藏出納權衡度量之數兩京市互市和市宮市交易之事百官軍鎮蕃客之賜及給宮人王妃官奴婢衣服○倉部郎中員外郎各一人掌天下庫儲出納租稅祿糧倉廩之事以木契百合諸司出給之數以義倉常平倉備凶年平穀價

通典大唐永徽初改民部為戶部廟諱故也顯慶元年改戶部為度支龍朔二年改度支尚書為司元太常伯咸亨元年復為戶部尚書初戶部居禮部之後武太后改置天地四時之官以戶部為地官由是遂居禮部前戶部郎中

二人員外郎二人建中三年戶部侍郎判度支杜佑奏天寶前戶部事繁所以郎中員外各二人判署自兵興以後戶部事簡度支事繁惟郎中員外各一人請回輟郎中員外各一人分判度支案待天下兵革已息卻歸本曹奉勅依

唐會要垂拱四年四月加戶部侍郎一員元和六年戶部奏請置巡官二人從之

舊唐書食貨志高祖成帝業其後掌財賦者世有人焉開元以前事歸尚書省開元以後權移他官由是有轉運使租庸使鹽鐵使度支鹽鐵轉運使常平鑄錢鹽鐵使租庸青苗使水陸運鹽鐵租庸使兩稅使隨事立名沿革不一

謹案唐代錢穀之改其初專屬之戶部自中葉以後始令他官主判遂各立使名分掌利權戶部本曹浸失其職凡前後所置名目猥多至為繁雜今以食貨志所載考之如轉運使水陸運使專司轉漕當為今漕運總督之職鑄錢使專掌鼓鑄當為今戶工二部錢法侍郎之職今已各據職掌別繫於表又度支使鹽鐵使判戶部當時謂之三司專主財用出納皆命重臣領使後遂以宰相兼之與今

特簡大臣綜理戶部三庫者其制頗近今亦析繫三庫表內

至若青苗使代宗即位分遣憲官稅天下地青苗錢及稅地錢物使代宗時以御史大夫充之戶口色役使元宗時楊慎矜為之諸名乃一時權宜之法

租庸寶應間元載為租庸使常平永泰間劉晏第五琦俱帶常平使兩稅德宗時楊炎作

兩稅法置使總之諸使其職掌今悉隸各布政司而以戶部總

之唐代建置紛紜徒滋冗瑣今并附識於此以著其弊焉

唐六典導官署令二人正八品上丞四人正九品上掌供御導擇米麥之事

五季

舊五代史食貨志天成四年戶部奏三京鄴都諸道州府所徵夏秋稅分立限期

舊五代史職官志同光元年尚書倉部員外郎趙鳳戶部尚書盧質天成元年尚書戶部侍郎馮道

謹案五季戶部官制格式不著於史今略採薛居正舊史二條以見當時職掌名額大抵多仍唐舊也

宋

合璧事類宋初戶部判部事一人以兩制以上充凡戶口

田產錢穀食貨之政令皆歸于三司三司謂鹽鐵戶部度支也本曹但

受天下之土貢元會陳于庭而已續會要元豐改官制罷三

司歸戶部左右曹而三司之名始泯矣四朝志初除安燾為

戶部尚書續會要戶部掌天下人民錢穀之政令貢賦征役

之事以版籍考戶口之登耗以稅賦待軍國之歲計以土

貢辨郡縣之物宜以征權抑兼并而佐調度以孝義婚姻

繼嗣之道和人心以田務券責之理直民訟凡此歸於左

曹以常平之法平豐凶時斂散以免役之法通貧富均財

力以伍保之法聯比閭察盜賊以義倉賑濟之法救饑饉

恤艱阨以農田水利之政治荒廢務稼穡以坊場河渡之

課酬勤勞省科率凡此歸於右曹其屬有三曰度支上供

俸賜及邦國經度會計之事隸焉曰金部貨賄出納之制

及權衡度量頒禁之令隸焉曰倉部凡國之倉廩儲積及

其給受之事隸焉尚書掌軍國用度財賦出納州縣廢置

升降凡四司所治之事侍郎為之貳郎中員外郎參領之

獨右曹事弗預專隸所掌侍郎若事屬本曹而歷郡縣監

司不能直則受其訟焉舊三司使即今尚書舊三司副使

即今侍郎其權發遣副使即今權侍郎舊三司判官推官

即今郎中員外郎之任也

續會要神宗正史職官志

宋史職官志戶部凡官十有三尚書一人侍郎二人郎中員外郎左右曹各二人度支金部倉部各二人○尚書侍郎掌軍國用度以周知其出入盈虛之數左曹分案五置吏四十右曹分案五置吏五十有六建炎後左曹分案三曰戶口曰農田曰檢法設科有三曰二稅曰房地口課利右曹分案六曰常平曰免役曰坊場曰平準曰檢法曰知雜裁減吏額左曹四十人右曹三十人舊制戶部侍郎二人中興初止除長貳各一員或止除尚書若侍郎一員紹興四年七月詔戶部侍郎二員通治左右曹自此相承不改○郎中左曹右曹員外郎掌分曹治事建炎三年詔省併郎

曹惟戶部五司以職事煩劇不併仍各置一員初制主管左右曹總稱戶部郎官紹興七年閻彥昭兼左曹郎官紹興三十二年徐康正除左曹郎官自是相承不改○度支郎中員外郎參掌計度軍國之用量貢賦稅租之入以為出分案五曰度支曰發運曰支供曰賞賜曰知雜吏額置五十人淳熙十三年減四人○金部郎中員外郎參掌天下給納之泉幣計其歲之所輸歸於受藏之府以待邦國之用分案六曰左藏曰右藏曰錢帛曰權易曰請給曰知雜吏額共六十人淳熙十四年減四人○倉部郎中員外郎參掌國之倉庾儲積及其給受之事分案六曰倉場曰上供曰糶糴曰給納曰知雜曰開拆吏額共置二十五人

續又減二人

謹案自隋置度支民部金部倉部四司唐惟改民部爲戶部而戶度金倉四司如故宋亦因之金元不分曹以令史分頭掌之明初復以各布政司分隸戶部設十三司而其制遂變今戶部各司書吏尙區爲四科曰民科曰支科曰金科曰倉科分案管理蓋猶沿唐宋四司之名目也

宋史職官志熙寧三年以三司推勘公事歸大理寺元祐三年三省言大理寺右治獄並罷依三司條例戶部置推勘檢法官治在京官司凡錢穀事

謹案周禮地官質人掌治質劑者鄭康成註謂齎券契

者來訟也蓋所以平爭而禁僞故特設官以治之歷代並無專司惟宋元置檢法官於三司戶部頗合周禮遺意今戶部有現審處主平旗民戶口田土之訟亦質人之制也

遼

遼史百官志初太祖分達喇額爾奇木

原本作迭刺夷
離堇今改正爲

北南二大王視戶部北院大王知北院大王事南院大王知南院大王事分掌部族軍民之政○南面官僚其始漢人尙書省戶工有主事中葉彌文於庫部虞部倉部員外出使則知備郎官列宿之員矣

金

金史百官志 戶部尚書一員正三品侍郎二員正四品郎中二員從五品員外郎三員從六品郎中而下皆以一員掌戶籍物力婚姻繼嗣田宅財業鹽鐵酒麴香茶礬錫丹粉坑冶權場市易等事一員掌度支國用俸祿恩賜錢帛寶貨貢賦租稅府庫倉廩積貯權衡度量法式給授職田拘收官物并照磨計帳等事主事五員從七品女直司二員通掌戶度金倉等事漢人司三員同員外郎分掌曹事兼提控編附條格管勾架閣等事令史七十二人內女直十七人譯史五人通事二人泰和八年增八人架閣庫管勾一員正八品掌戶禮兩部架閣大安三年以主事各兼之同管勾從八品檢法從八品勾當官五員各八品貞元二年設幹辦官尋罷之四年更設為勾當官專

提控支納管勾勘覆經歷交鈔及香茶鹽引照磨文帳等事

〔金史百官志〕主廩太倉兼屬衛尉司

元

〔元史百官志〕戶部尚書三員正三品侍郎二員正四品郎中二員從五品員外郎三員從六品掌天下戶口錢糧田土之政令凡貢賦出納之經金幣轉通之法府藏委積之實物貨貴賤之直斂散准駁之宜悉以任之中統元年以吏戶禮為左三部至元元年分立戶部尚書三員侍郎郎中四員員外郎三員三年復為左三部五年復分為戶部尚書一員侍郎郎中各一員員外郎省為二員七年始列

尚書六部尚書二員侍郎二員郎中二員員外郎如故十三年尚書增置一員侍郎郎中員外郎如故十九年郎中員外郎俱增至四員二十三年六部尚書侍郎郎中定以二員為額明年以戶部所掌視他部特為繁劇增置二員成宗大德五年省尚書一員員外郎亦省一員各設三員主事八員蒙古筆且齊原本作必闕赤今改正七人令史六十一人回回令史六人克喀穆爾齊原本作怯里馬赤今改正一人知印二人奏差三十二人蒙古書寫一人典吏二十二二人司計官四人

富大用事文類聚元戶部令史分掌名頭有金科倉科內度科外度科糧草科審計科

明

明史職官志戶部尚書一人正二品左右侍郎各一人正三品

其屬司務廳司務二人從九品浙江江西湖廣陝西廣東山

東福建河南山西四川廣西貴州雲南十三清吏司各郎

中一人正五品宣德以後增設山西司郎中三人陝西員

外郎一人從五品宣德七年增設四川雲南主事二人正六品

德以後增設雲南司主事七人浙江江西湖廣陝西福建

河南山西七司主事各二人山東四川貴州三司主事各

一照磨所照磨一人正八品檢校一人正九品尚書掌天下戶

口田賦之政令侍郎貳之稽版籍歲會賦役實徵之數以

下所司十年攢黃冊差其戶上下畸零之等以周知其登

耗凡田土之侵占投獻詭寄影射有禁人戶之隱漏逃亡

朋充花分有禁繼嗣婚姻不如令有禁皆總覈而糾正之
天子耕藉則尚書進耒耜以墾荒業貧民以占籍附流民
以限田裁異端之民以圖帳抑兼并之民以樹藝課農官
以芻地給馬牧以召佃盡地利以銷豁清賠累以撥給廣
恩澤以給除差優復以鈔錠節賞賚以讀法訓利民以權
量和市糴以時估平物價以積貯之政恤民困以山澤陂
池關市坑冶之政佐邦國贍軍輸以支兌改兌之規利漕
運以蠲減賑貸均糴捕蝗之令憫灾荒以輸轉屯種糴買
召納之法實邊儲以祿廩之制馭貴賤十三司各掌其分
省之事兼領所分兩京直隸貢賦及諸司衛所祿俸邊鎮
糧餉并各倉場鹽課鈔關初洪武元年置戶部六年設尚

書二人侍郎二人分爲五科一科二科三科四科總科每
科設郎中員外郎各一人主事四人惟總科郎中員外郎
各二人主事五人八年中書省奏戶刑工三部事繁戶部
五科每科設尚書侍郎各一人郎中員外郎各二人主事
五人內會總科主事六人外牽照科主事二人十三年陞
部秩定設尚書一人侍郎二人分四屬部總部度支部金
部倉部每部郎中員外郎各一人總部主事四人度支部
金部主事各三人倉部主事二人二十二年改總部爲民
部二十三年又分四部爲河南北平山東山西陝西浙江
江西湖廣廣東廣西四川福建十二部四川部兼領雲南部設郎
中員外郎各一人主事二人各領一布政司戶口錢糧等

事量其繁簡帶管京畿每一部內仍分四科管理又置照磨檢校各一人稽文書出入之數而程督之二十九年改十二部為十二清吏司建文中仍為四司成祖復舊制永樂元年改北平司為北京司十八年革北京司設雲南貴州交趾三清吏司宣德十年革交趾司定為十三司其後歸併職掌凡宗室勳戚文武官吏之廩祿陝西司兼領之北直隸府州衛所福建司兼領之南直隸府州衛所四川司兼領之天下鹽課山東司兼領之關稅貴州司兼領之漕運及臨德諸倉雲南司兼領之御馬象房諸倉廣西司兼領之

兼領之
〔明官志〕戶部御馬倉大使從九品副使未入流長安門倉

大四百六十三

副使東西北安門倉副使俱未入流

南海桂銘球初校

益陽蔡芳覆校

番禺陶福祥再覆校

欽定歷代職官表卷六

職官表卷六 戶部

廣雅書局

